

四庫全書

集部

欽定四庫全書

集部  
御定全唐詩卷  
千五  
千二

詳校官庶吉士臣胡 鈺

主事銜臣徐坤覆勘

總校官知縣臣繆 琪

校對官庶章臣范 鏊

謄錄監生臣桑 英

欽定四庫全書

御定全唐詩卷二十

相和歌辭

前苦寒行二首

杜甫  
笙笛下聲弄高弄遊弄箎節琴

瑟箏琵琶八  
種歌弦四弦

漢時長安雪一丈牛馬毛寒縮如蝟楚江巫峽冰入懷  
虎豹哀號又堪記秦城老翁荆揚客慣習炎蒸歲絺綌  
玄冥祝融氣或交手持白羽未敢釋

去年白帝雪在山今年白帝雪在地凍埋蛟龍南浦縮  
寒刮肌膚北風利楚人四時皆麻衣楚天萬里無晶輝  
三足之鳥足恐斷羲和送將安

集作何

所歸

後苦寒行二首

杜甫

南紀巫廬瘴不絕太古已來無尺雪蠻夷長老怨苦寒  
崑崙天關凍應折玄猿口噤不能嘯白鵠翅垂眼流血  
安得春泥補地裂

晚來江門失大木猛風中夜吹白屋天兵斷斬

集作斬斷青

海戎殺氣南行動坤軸不爾苦寒何太酷巴東之峽生  
凌斯彼蒼迴幹人得知

苦寒行

劉駕

嚴寒動八荒

集作  
刺刺

無休時陽鳥不自暖雪壓扶桑

枝歲暮寒益壯青春安得歸朔雁到南海越禽何處飛  
誰言貧士歎不為身無衣

同前

僧貫休

北風北風職何嚴毒摧壯士心縮金烏足凍雲囂囂礙

雪一片下不得聲繞枯桑根在沙塞黃河徹底頑直到  
海一氣搏束萬物無態唯有吾庭前杉松樹枝枝健  
在

同前 僧齊已

冰峰撐空寒轟轟雲凝水凍埋海陸殺物之性傷人之  
慾既不能斷絕疾藜荆棘之根株又不能展鳳皇麒麟  
之拳跼如此則何如為和煦為膏雨自然天下之榮枯  
融融於萬戶

北上行

李白

北上何所苦  
北上緣太行  
磴道盤且峻  
巉巖凌穹蒼  
馬足蹶側石  
車輪摧高岡  
沙塵接幽州  
烽火連朔方  
殺氣毒劍戟  
嚴風裂衣裳  
奔鯨夾黃河  
鑿齒屯洛陽  
前行無歸日  
返顧思舊鄉  
慘戚冰雪裏  
悲號絕中腸  
尺布不掩體  
皮膚膚劇枯  
桑汲水澗谷  
阻采薪隴坂  
長猛虎又掉尾  
磨牙皓秋霜  
草木不可食  
飢飲零露漿  
歎此北上苦  
停驂為之傷  
何日王道平  
開顏覩天光

豫章行

李白

胡風吹代馬

一作燕人攢赤月

北擁魯陽關吳兵照海雪西討

何時還半渡上遼津黃雲慘無顏老母與子別呼天野

草間白馬

一作百鳥

繞旌旗悲鳴相追攀白楊秋月苦早落

豫章山本為休明人斬虜素不閒豈惜戰鬥死為君婦

兇頑精感石沒羽豈忘

集作云

憚險艱樓船若鯨飛波蕩

落星灣此曲不可奏三軍鬢成斑

董逃行

元稹



董逃董逃董卓逃措鏗戈甲聲勞嘈剜剜深臍脂燄燄  
人皆數歎曰爾獨不憶年年取我身上膏膏銷骨盡煙  
火死長安城中賊毛起城門四走公卿士走勸劉虞作  
天子劉虞不敢作天子曹瞞篡亂從此始董逃董逃人  
莫喜勝負翻一作相環相枕倚縫綴難成裁破易何況曲  
鍼不能伸巧指欲學裁縫須準擬

同前 張籍

洛陽城頭火瞳瞳亂兵燒我天子宫宮城南面有深山

盡將老幼藏其間重巖為屋椽為食丁男夜行候消息  
聞道官軍猶掠人舊里如今歸未得董逃行漢家幾時  
重太平

相逢行

崔顥

妾年初二八家住洛橋頭玉戶臨馳道朱門近御溝使  
君何假問夫壻大長秋女弟新承寵諸兄近拜侯春生  
百子殿花發五城樓出入千門裏年年樂未休

同前二首

李白

朝騎五花馬，謁帝出銀臺。秀色誰家子，雲車

一作中珠箔

開金鞭，遙指點玉勒。近遲回來，轂相借問疑

一作知從天

上來，憐腸愁欲斷。斜日復相催，下車何輕盈。飄然似落

梅

集無此四句

邀

集作

入青綺門

一作嬌羞初解珮

當歌

一作語笑

共銜

杯銜杯映歌扇似，月雲中見。相見不相親，不如不相見。

相見情已深，未語可知心。胡為守空閨，孤眠愁錦衾。錦

衾與羅幃，纏絲會有時。春風正澹蕩，

一作糾結

暮雨

一作青鳥

來

何遲。願因三青鳥，更報長相思。光景不待人，須臾髮成

絲當年失行樂老去徒傷悲持此道密意無令曠佳期  
相逢紅塵內高揖黃金鞭萬戶垂楊裏君家阿那邊

同前

韋應物

二十登漢朝英聲邁今古適從東方來又欲謁明主猶  
酣新豐酒尚帶霸陵雨邂逅兩相逢別來間集作問寒暑

寧知白日晚暫向花間語忽聞長樂鐘走馬東西去

三婦豔詩

董思恭

大婦裁紈素中婦弄明璫小婦多姿態登樓紅粉妝丈

人且安坐初日漸流光

中婦織流黃

虞世南

寒閨織素錦含怨斂雙蛾  
綜新交縷澀經脆斷絲多  
衣香逐舉袖釧動應鳴梭  
還恐裁縫罷無信達交河

難忘曲

李賀

夾道開洞門弱楊低畫戟  
簾影竹葉

集作華

起簫聲吹日

色遙語繞妝鏡拂蛾學春碧  
亂繫丁香梢滿闌花向夕

塘上行

李賀

藕花涼露溼花缺藕根澀飛下雌鴛鴦塘水聲溢溢

集作

溼溼

苦辛行

戎昱

且莫奏短歌聽余苦辛詞如今刀筆士不及屠酤兒少年無事學詩賦豈意文章復相誤東西南北少知音終年竟歲悲行路仰面訴天天不聞低頭告地地不言天地生我尚如此陌上他人何足論誰謂西江深涉之固無憂誰謂南山高可以登之遊險巖惟有世間路一嚮

令人堪白頭貴人立意不可測等閒桃李成荊棘風塵  
之士深可親心如雞犬能依人悲來却憶漢天子不棄  
相如家舊貧

此下集有勸君且三字

飲酒酒能散羈愁誰家有酒

判一醉萬事從他江水流

秋胡行

高適

妾本邯鄲未嫁時容華倚翠人未知一朝結髮從君子  
將妾迢迢東路陞時逢大道無難阻君方遊宦從陳汝  
蕙樓獨臥頻度春彩落

集作閣

辭君幾徂暑三月垂楊蠶

未眠攜籠結侶南陌邊道逢行子不相識贈妾黃金買

少年妾家夫婿輕離久寸心誓與長相守願言行路莫

多情送

集作道

妾貞心在人口日暮蠶飢相命歸攜籠端

飾來庭闈勞心苦力終無恨所冀君恩那

集作即

可依聞

說行人已歸止乃是向來贈金子相看顏色不復言相

顧懷慙有何已從來自隱無疑背直為君情也相會如

何咫尺仍有情況復迢迢千里外此時

集作誓將

顧恩不顧

身念君此日赴河津莫道向來不得意故欲留規誠後



人

善哉行

僧貫休

以後並瑟調曲其器有笙  
笛節琴瑟箏琵琶七種歌弦六部

有美一人兮婉如清揚識曲別音兮令姿煌煌繡袂捧  
琴兮登君子堂如彼萱草兮使我憂忘欲贈之以紫玉  
尺白銀璫久不見之兮湘水茫茫

同前

僧齊己

大鵬刷翮謝溟渤青雲萬層高突出下視秋濤空渺瀰  
舊處魚龍皆細物人生在世何容易眼濁心昏信生死

願除嗜慾待身輕攜手同尋列仙事

來日大難

李白

來日一身攜糧負薪道長食盡苦口焦脣今日醉飽樂

過千春仙人相存誘我遠學海凌三山陸憩五嶽乘龍

上三

集無此  
二字

天飛目瞻兩角授以神

集作  
仙

藥金丹滿握

蟪蛄蒙恩深媿短促思填東海疆銜一木道重天地軒  
師廣成蟬翼九五以求長生下士大笑如蒼蠅聲

當來日大難

元稹

當來日大難行前有坂後有坑大梁側小梁傾兩軸相  
絞兩輪相撐大牛豎小牛橫烏啄牛背足跌力瘁當來  
日大難行太行雖險險可使平輪軸自撓牽制不停泥  
潦漸久荆棘旋生行必不得不如不行

隴西行

王維

十里一走馬五里一揚鞭都護軍書至匈奴圍酒泉關  
山正飛雪烽戍斷無煙

同前

耿漳

雪下陽關路人稀隴戍頭封狐猶未翦邊將豈無羞白  
草三冬色黃雲萬里愁因思李都尉畢竟不封侯

同前

長孫佐輔

陰雲凝朔氣隴上正飛雪四月草不生北風勁如切朝  
來羽書急夜救長城窟道隘行不前相呼抱鞍歇人寒  
指欲墮馬凍蹄亦裂射雁旋充飢斧冰還止渴寧辭解  
圍鬪但恐乘疲沒早晚

一作望

邊候空歸來養羸卒

東門行

柳宗元

漢家三十六將軍東方雷動橫陣雲雞鳴函谷客如霧  
貌同心異不可數赤丸夜語飛電光徼巡司隸眠如羊  
當街一叱百吏走馮敬胷中函匕首兇徒側耳潛愜心  
悍臣破膽皆杜口魏王臥內藏兵符子西掩袂真無辜  
羌胡轂下一朝起敵國舟中非所擬安陵誰辨削礪工  
韓國詎明深井里絕咽斷骨那下補萬金寵贈不如土

飲馬長城窟行

太宗皇帝

塞外悲風切交河冰已結瀚海百重波陰山千里雪迴

戍危烽火層巒引高節悠悠卷旆飲馬出長城寒沙  
連騎迹朔吹斷邊聲胡塵清玉塞羌笛韻金鉦絕漠干  
戈戢車徒振原隰都尉反龍堆將軍旋馬邑揚麾氛霧  
靜紀石功名立荒裔一戎衣雲

集作靈

臺凱歌八

同前

虞世南

馳馬渡河干流深馬渡難前途錦車使都護在樓蘭輕  
騎猶銜勒疑兵尚解鞍溫池下絕澗棧道接危巒拓地  
勲未賞亡城律詎

集作豈

寬有月關猶暗經春隴尚寒雲

昏無復影冰合不聞湍懷君不可遇聊持報一滄

同前 袁朗

朔風動秋草清蹕長安道長城連不窮所以隔華戎規

模惟聖作荷負

集作負荷

曉成功鳥庭已向內龍荒更鑿空

玉關塵卷靜金微路已通湯征隨北怨舜詠起南風畫

野

集作地

功初立綏邊事云集朝服踐狼居凱歌旋馬邑

山響傳鳳吹霜華藻瓊釵屬國擁節歸單于款關入日

落寒雲

集作風

起驚沙

集作蓬

被原隰零落葉已寒河流清

且急四時徭役盡千載干戈戢太平今若斯汗馬竟無  
施惟當事筆研歸去草封禪

同前

王翰

長安少年無遠圖一生惟羨執金吾  
騏驎前殿拜天子走馬為君西擊

集作西擊長城

胡胡沙獵獵吹人面漢虜相逢

不相見遙聞鞀鼓動地來傳道單于夜猶戰此時顧恩  
寧願身為君一行摧萬人壯士揮戈回白日單于濺血  
染朱輪回

集作歸

來飲馬長城窟長安道傍多白骨問之



耆老何代人云是秦王築城卒黃昏塞北無人煙鬼哭  
啾啾聲沸天無罪見誅功不賞孤魂流落此城邊當昔  
秦王按劍起諸侯膝行不敢視富國彊兵二十年築怨  
典徭九千里秦王築城何太愚天實亡秦非北胡一朝  
禍起蕭牆內渭水咸陽不復都

同前 王建

長城窟長城窟邊多馬骨古來此地無井泉賴得秦家  
築城卒征人飲馬愁不回長城變作望鄉堆蹄跡

集作  
蹤

卷二十一  
卷二十一  
未乾人去近續後馬來泥汙盡枕弓睡著待水生不見  
陰山在前陣馬蹄足脫裝馬頭健兒戰死誰封侯

同前

僧子蘭

游客長城下飲馬長城窟馬嘶聞水腥為浸征人骨豈  
不是流泉終不成潺湲洗盡骨上土不洗骨中冤骨若  
比流水四海有還魂空流嗚咽聲聲中疑是言

上留田

李白

行至上留田孤墳何崢嶸積此萬古恨春草不復生悲

風四邊來腸斷白楊聲借問誰家地埋沒萬里塋古老  
向余言言是上留田蓬科馬鬣今已平昔之弟死兄不  
葬他人於此舉銘旌一鳥死百鳥鳴一獸死百獸驚桓  
山之禽別離苦欲去迴翔不能征田氏倉卒骨肉分青  
天白日摧紫荆交柯之木本同形東枝顯賴西枝榮無  
心之物尚如此參商胡乃尋天兵孤竹延陵讓國揚名  
高風緬邈積波激清尺布之謠塞耳不能聽

同前

僧貫休

父不父兄不兄上留田螿賊生徒陟岡淚崢嶸我欲使  
諸凡鳥雀盡變為鵲鴿我欲使諸凡草木盡變為田荆  
鄰人歌鄰人歌古風清清風生

安樂宮

李賀

深

一作漆

井桐烏起尚復牽清水未盥邵陵王

集作瓜

鉞中

弄長翠新城安樂宮宮如鳳皇翅歌迴蠟版鳴大綰

集作

左提壺使

一作伎

綠繁悲水曲茱萸別秋子

放歌行

王昌齡

南渡洛陽津西望十二樓明堂坐天子月朔朝諸侯清  
樂動千門皇風被九州慶雲從東來決滂抱日流昇平  
貴論道文墨將何求有詔徵草澤微臣獻謀猷

集作將  
獻謀

冠冕如星羅拜揖曹與周望塵非吾事入賦且遲留幸  
蒙國士識因脫負薪裘今者放歌行以慰梁父愁但營  
數斗祿奉養毋

集作  
每

豐羞若得金膏遂飛雲亦可儔

野田黃雀行

李白

遊莫逐炎洲翠棲莫近吳宮燕吳宮火起焚爾

集作  
巢

窠

炎洲逐翠遭網羅蕭條兩翅蓬蒿下縱有鷹鷂奈若何

同前 儲光羲

嘖嘖野田雀不知軀體微閒穿深蒿裏爭食復爭飛窮  
老一積舍棗多桑樹稀無棗猶可食無桑何以衣蕭條  
空倉暮相引時來歸邪路豈不捷渚田豈不肥水長路  
且壞惻惻與心違

同前 僧貫休

高樹風多吹爾巢落深蒿葉暖宜爾依薄莫近鴉類珠

集作  
蛛

網亦惡飲野田之清水食野田之黃粟深花中睡

埭土裏浴如此即全勝啄太倉之穀而更穿人

集有  
之字

屋

同前 僧齊已

雙雙野田雀上下同飲啄暖去棲蓬蒿寒歸傍籬落殷  
勤避羅網乍可遇鷓鴣鷓鴣雖不仁分明在寥廓

雁門太守行 李賀

黑雲壓城城欲摧甲光向月

一作  
日

金鱗開角聲滿天秋

色裏塞上燕支凝夜紫半卷紅旗臨易水霜重鼓寒聲

一作聲寒不起報君黃金臺上意提攜玉龍為君死

同前 張祐

城頭月沒霜如水越越蹋沙人似鬼燈前拭淚試香裘  
長引一聲殘漏子駝囊瀉酒酒一杯前頭嚏集作滴血心

不回寄語年少妻莫哀魚金虎竹天上來雁門山邊骨  
成灰

同前 莊南傑

旌旗閃閃搖天末長笛橫吹虜塵闊跨下嘶風白練獐



腰間切玉青蛇活，擊革攢金燧。牛尾犬羊兵，敗如山死。  
九泉寂寞葬秋蟲，溼雲荒草啼秋思。

飛來雙白鶴

虞世南

飛來雙白鶴，奮翼遠凌煙。雙棲集紫蓋，一舉背青田。颺  
影過伊洛，流聲入管絃。鳴羣倒景外，刷羽閭風前。映海  
疑浮雪，拂澗瀉飛泉。燕雀寧知去，蟬螿不識還。何言別  
儔侶，從此間山川。顧步已相失，裴回反集作自憐危心。  
猶警露哀響，詎聞天無因。振六翮，輕舉復隨仙。

門有車馬客行 虞世南

財雄

集作陳遵

重交結戚里擅豪華曲臺臨上路高門

集作軒

抵狹斜赭汗千金馬繡轂五香車白鶴隨飛蓋朱鷺入

鳴笳夏蓮開劔水春桃發露

集作綬

花輕帚染回雪浮蟻

泛流霞

集無此二句

高談辨飛兔摘藻握靈蛇逢恩借羽翼

集作出毛羽

失路委泥沙暖暖風煙晚路長歸騎遠日斜青

瑣第塵飛金谷苑危絃促柱奏巴渝遺簪墮珥解羅襦

如何守直道翻使谷名愚

同前 李白

門有車馬客金鞍耀朱輪謂從丹

一作雲

霄落乃是故鄉

親呼兒婦中堂坐客論悲辛對酒兩不飲停觴淚盈巾

歎我萬里遊飄飆

集作飄

三十春空談霸

集作帝

王略紫綬

不挂身雄劍藏玉匣陰符生素塵廓落無所合流離湘

水濱借問宗黨間多為泉下人生苦百戰役死託萬鬼

鄰北風揚胡沙埋翳周與秦大運且如此蒼穹寧匪仁

惻愴竟何道存亡任大鈞

蜀道難

張文琮

梁山鎮地險積石阻雲端深谷下寥廓層巖上鬱盤飛  
梁架絕嶺棧道接危巒攬轡獨長息方知斯路難

同前

李白

噫吁噉危乎高哉蜀道之難難於上青天蠶叢及魚鳧  
開國何茫然爾來四萬八千歲乃一作不與秦塞通人煙

西當太白有鳥道可以橫絕峨眉巖巔地崩山摧壯士死

然後天梯石棧方一作相鉤連上有六龍迴日之高標一作

橫河斷海  
之浮雲

下有衝波逆折之迴川黃鶴之飛尚不得

一作

過  
猿猱欲度愁攀緣青泥何盤盤百步九折紫巖巒捫

參歷井仰脅息以手撫膺坐長歎問君西遊何時還畏

途巉巖不可攀但見悲鳥

一作鳴

號枯

一作古

木雄飛呼雌

一作雌從

繞林間又聞子規啼夜月愁空山蜀道之難難於

上青天使人聽此彫朱顏連峰去天不盈尺

一作入煙幾千里

枯松倒挂倚絕壁飛湍瀑流相喧飀砢崖轉石萬壑雷

其嶮也若此嗟爾遠道之人胡為乎來哉劔閣崢嶸而

崔嵬一夫當關萬夫莫開所守或匪親一作人化為狼與

豺朝避猛虎夕避長蛇磨牙吮血殺人如麻錦城雖云

樂不如早還家蜀道之難難於上青天側身西望長咨

一作  
令人嗟

權歌行 駱賓王

寫月圖 集作  
塗 黃罷凌波拾翠通鏡花搖芰日衣麝入荷

風葉密舟難蕩蕩蓮疎浦易空鳳媒羞自託鴛翼恨難窮

秋帳燈花翠倡樓粉色紅相思無別曲并在權歌中

同前

徐堅

擢女飾銀鈎新妝下翠樓  
霜絲青桂檝蘭棹紫霞舟  
水落金陵曙風起洞庭秋  
扣船過曲浦飛帆越回流  
影入桃花浪香飄杜若洲  
洲長殊未返蕭散雲霞晚  
日下大江平煙生歸岸遠  
岸遠聞潮波爭途遊戲多  
因聲趙津女來聽采菱歌

胡無人行

徐彥伯

十月繁霜下征人遠  
鑿空雲搖錦更集作車  
節海照角端

弓暗磧埋沙樹衝颼卷塞蓬方隨膜拜入歌舞玉門中

同前 聶夷中

男兒徇大義立節不沾名腰間懸陸離大歌胡無行不  
讀戰國書不覽黃石經醉臥咸陽樓夢入受降城更願  
生羽翼飛身入青冥請攜天子劍斫下旄頭星自然胡  
無人雖有無戰爭悠哉典屬國驅羊老一生

同前 李白

嚴風吹霜海草彫筋幹精堅胡馬驕漢家戰士三十萬



將軍兼領

一作  
誰者

霍嫖姚流星白羽腰間插劍花秋蓮光

出匣天兵照雪下玉關虜箭如沙射金甲雲龍風虎盡

交迴太白八月敵可摧敵可摧旄頭滅履胡之腸涉胡

血懸胡青天上埋胡紫塞旁胡無人漢道昌陛下之壽

三千霜但歌大風雲飛揚安得猛士兮守四方胡無人

漢道昌

一本無此六字集  
無陛下之壽五句

同前 僧貫休

霍嫖姚趙充國天子將之平朔漠肉胡之肉燼胡帳幄

千里萬里惟留胡之空殼邊風蕭蕭榆葉初落殺氣晝  
赤枯骨夜哭將軍既立殊勲遂有胡無人曲我聞之天  
子富有四海德被無垠但令一物得所八表來賓亦何  
必令彼胡無人

白頭吟

劉希夷 楚調曲其器有笙  
笛弄節琴箏琵琶瑟七種

洛陽城東桃李花飛來飛去落誰家洛陽女兒惜顏色  
行逢集作  
坐見落花長歎息今年花落顏色改明年花開復  
誰在已見松柏摧為薪更聞桑田變成海古人無復洛

城東今人還對落花風年年歲歲花相似歲歲年年人

不同寄言全盛紅顏子須

集作應

憐半死白頭翁此翁白

頭真可憐伊昔紅顏美少年公子王孫芳樹下清歌妙

舞落花前光祿池臺文

集作開

錦繡將軍樓閣畫神仙一

朝臥病無人識三春行樂在誰邊宛轉蛾眉能幾時須

史白

集作雀

髮亂如絲但看舊

集作古

來歌舞地惟有黃昏

鳥雀悲

同前二首

李白

錦水東北流波蕩雙鴛鴦雄巢漢宮樹雌弄秦草芳寧

同萬死碎綺翼不忍雲間兩分張此時阿嬌正嬌妬獨

坐長門愁日暮但願君恩顧妾深豈惜黃金將買賦一作

買詞賦相如作賦得黃金丈夫好新多異心一朝將聘茂

陵女文君因贈一作賦白頭吟東流不作西歸水落花辭

條歸故林兔絲固無情隨風任顛倒誰使女蘿枝而來

彊縈抱兩草猶一心人心不如草莫卷龍須席從他生

網絲且留琥珀枕或有夢來時覆水再收豈滿杯棄妾

已去難重回古時得意不相負祇今惟見青陵臺

錦水東流碧波蕩雙鴛鴦雄巢漢宮樹雌弄秦草芳  
相如去蜀謁武帝赤車駟馬生輝光一朝再覽大人作萬  
乘忽欲凌雲翔聞道阿嬌失恩寵千金買賦要君王  
相如不憶貧賤日官高金多聘私室茂陵姝子皆見求  
文君歡愛從此畢淚如雙泉水行墮紫羅襟五更雞三唱  
清晨白頭吟長吁不整綠雲鬢仰訴青天哀怨深城崩  
杞梁妻誰道土無心東流不作西歸水落花辭枝羞故

林頭上玉燕釵是妾嫁時物贈君表相思羅袖幸時拂  
莫卷龍須席從他生網絲且留琥珀枕還有夢來時鷓  
鴒裘在錦屏上自君一挂無由披妾有秦樓鏡照心勝  
照井願持照新人雙對可憐影覆水却收不滿杯相如  
還謝文君回古來得意不相負祇今惟有青陵臺

同前

張籍

請君膝上琴彈我白頭吟憶昔君前嬌笑語兩情宛轉  
如縈素宮中為我起高樓更開華池種芳樹春天百草

秋始衰棄我不待白頭時羅襦玉珥色未暗今朝已道  
不相宜揚州青銅作明鏡暗中持照不見影人心回互  
自無窮眼前好惡那能定君恩已去若再返菖蒲花生

集作

開月長滿

反白頭吟

白居易 鮑照作白頭吟  
居易反其致為反白頭吟

炎炎者烈火營營者小蠅火不熱真玉蠅不點清冰此  
苟無所受彼莫能相仍乃知物性中各有能不能古稱  
怨報集作恨死則人有所懲懲淫或應可在道未為弘譬

如蜩鷄徒啾啾，  
龍鵬宜當委之去。  
寥廓高飛騰，豈能  
泥塵下。區區酬怨憎，  
胡為坐自苦。吞悲仍撫膺。

決絕詞三首

元稹

乍可為天上牽牛織女星，  
不願為庭前紅槿枝。  
七月七日一相見，  
故心終不移。那能朝開暮飛去，  
一任東西南北吹。  
分不兩相守，恨不兩相思。  
對面且如此，背面當何知。  
春風撩亂伯勞語，  
此下集有況是二字此時拋去時，  
握手苦相問。竟不言後期，  
君情既決絕，妾意已參差。  
借如死生別。



安得長苦悲

噫春冰之將泮何余懷之獨結有美一人於焉曠絕一日不見比一日於三年況三年之曠別水得風兮小而

已波筍在苞兮高不見節矧桃李之當春競衆人之

而攀折我自顧悠悠而若雲又安能保君皓皓集作之

如雪感破鏡之分明覩淚痕之餘血幸他人之既不我

先又安能使他人之終不我奪已焉哉織女別黃姑一

年一度暫相見彼此隔河何事無

夜夜相抱眠幽懷尚沈結那堪一年事長遣一宵說但

感久相思何暇暫相悅虹橋薄夜成龍駕侵晨列生憎

野鵲往

集作  
雀性

遲回死恨天雞識時節曙色漸瞳矓

集作  
瞳

華星次

集作  
欲

明滅一去又一年一年何時一作徹有此

迢遞期不如生死集作  
死生別天公隔是妬相憐何不便教

相決絕

梁甫吟

李白

長嘯梁甫吟何時見陽春君不見朝歌屠叟辭棘津八

十西來釣渭濱寧羞白髮照淶

集作清

水逢時吐

一作壯

氣

思經綸廣張三千六百釣風期暗與文王親大賢虎變  
愚不測當年頗似尋常人君不見高陽酒徒起草中長

揖山東隆準公入門不拜

一作開說

騁雄辨兩女輟洗來趨

風東下齊城七十二指麾楚漢如旋蓬狂生落拓尚如  
此何況壯士當羣雄我欲攀龍見明主雷公砰訇震天  
鼓帝旁投壺多玉女三時大笑開電光倏爍晦冥起風  
雨閭闔九門不可通以額叩關闔者怒白日不照吾精

誠杞國無事憂天傾猊獮磨牙競人肉騶虞不折生草  
莖手接飛猱搏彫虎側足焦原未言苦智者可卷愚者  
豪世人見我輕鴻毛力排南山三壯士齊相殺之費二  
桃吳楚弄兵無劇孟亞夫哈爾為徒勞梁父吟梁父吟  
聲正悲張公兩龍劍神物合有時風雲感會起屠釣大  
人峴岬當安之

東武吟

李白

好古笑流俗素聞賢達風方希佐明主長揖辭成功白

日在高天回光燭微躬恭承鳳皇詔歟起雲蘿中清切  
紫霄迴優游丹禁通君王賜顏色聲價凌煙虹乘輿擁  
翠蓋扈從金城東寶馬麗絕景錦衣入新豐倚巖望松  
雪對酒鳴絲桐因學揚子雲獻賦甘泉宮天書美片善  
清芬播無窮歸來入咸陽談笑皆王公一朝去金馬飄  
落成飛蓬賓友集作客日疎散玉尊亦已空才力猶可倚  
待一作不慙世上雄閒作東武吟曲盡情未終書此謝知

已吾尋黃綺翁

一作扁舟  
尋釣翁

怨詩二首

薛奇童

日晚梧桐落微寒入禁垣  
月懸三雀觀霜度萬秋門  
豔舞矜新寵愁容泣舊恩  
不堪深殿裏簾外欲黃昏

禁苑春風起流鶯繞合歡  
玉窗通日氣珠箔卷輕寒  
楊

葉垂金

一作陰

砌梨花入井闌  
君王好長袖新作舞衣寬

同前

張法

去年離別雁初歸  
今夜裁縫螢已飛  
征客去

集作近

來音

信斷不知何處寄寒衣

同前 劉元濟

玉關芳信斷蘭閨錦字新  
愁來好自抑念切已含頻  
虛牖風驚夢空牀月厭人  
歸期儻可促勿度柳園春

同前三首 李暇

羅敷初總髻蕙芳正嬌小  
月落始歸船春眠恒著曉  
何處期郎遊小苑花臺間  
相憶不可見且復乘月還  
別來花照路別後露垂葉  
歌舞須及時如何坐悲妾

同前二首 崔國輔

樓前桃李疎池上芙蓉落織錦猶未成蟲聲入羅幕  
妾有羅衣裳秦王在時作為舞春風多秋來不堪著

同前

孟郊

試妾與君淚兩處滴池水看取芙蓉花今年為誰死

同前

劉叉

君莫嫌醜婦醜婦死守貞山頭一怪石長作望夫名鳥  
有竝翼飛獸有比肩行丈夫不立義豈如鳥獸情

同前

鮑溶



女蘿寄松柏

集作青松

綠蔓花繚繚三五定君婚結髮早移

天肅肅羊雁禮泠泠琴瑟篇恭承采繁祀敢效同居

集作

車

賢皎日不留景良時

集作辰

如逝川秋

集作愁

心還遺

集作

忽移愛春貌無歸妍翠袖洗朱

集作皓硃

粉碧階封綺

集作綠

錢

新人易如玉廢瑟難為弦寄羨

集作謝

薜華木榮名香閣

前豈無搖落苦貴與根蒂連希君舊光景照妾薄暮年

同前

白居易

奪寵心那慣尋思倚殿門不知移舊愛何處作新恩

同前二首

姚氏月華

春水悠悠春草綠  
對此思君淚相續  
羞將離恨向東風  
理盡秦箏不成曲

與君形影分胡越  
玉枕終年對離別  
登臺北望煙雨深  
回身泣向寒天月

怨歌行

虞世南

紫殿秋風冷彫甍  
白

集作落

日沈裁紈悽斷曲  
織素別離

心掖庭羞改畫長門  
不惜金寵移恩稍薄情  
疎恨轉深

香銷翠羽帳，弦斷鳳皇琴。  
鏡前紅粉歇，階上綠苔侵。  
誰言掩歌扇，翻作白頭吟。

同前 李白

十五入漢宮，花顏笑春紅。  
君王選玉色，侍寢金屏。

一作錦

中薦枕嬌，夕月卷衣戀。  
春一作香風寧知趙飛燕，奪寵恨

無窮。沈憂能傷人，綠鬢成霜蓬。  
一朝不得意，世事徒為

空。鸛鷺換美酒，舞衣罷雕龍。  
寒苦不忍言，為君奏絲桐。

腸斷弦亦絕，悲心夜忡忡。

同前

吳少微此詩中有逸句

城南有怨婦含怨倚蘭

集作傍芳

叢自謂二八時歌舞入漢

宮皇恩弄幸玉堂中

集作皇恩數流盼承幸玉堂中

綠陌

集作柏

黃花催

夜酒錦衣羅袂逐春風建章西宮煥若神燕趙美女二

集作三

千人君王厭德不忘新況羣豔冶紛來陳是時別

君不再見三十三春長信殿長信重門晝掩關清房曉

帳幽且閒綺窗蟲網氛塵色文軒鶯對桃李顏天王貴

宮不貯老浩然淚隕

集作含淚

今來還自憐

集有春色二字

轉晚暮

試逐佳遊芳草路小腰麗女奪人奇金鞍少年曾不顧  
歸來誰為夫請謝西家婦莫辭先醉解羅襦

明月照高樓

雍陶

朗月何高高樓中簾影寒一婦獨含歎四坐誰成歡時  
節屢已移遊旅杳不還滄溟倘未涸妾淚終不乾君若  
無定雲妾若不動山雲行出山易山逐雲去難願為邊  
塞塵因風委君顏君顏良洗多盪妾濁水間

長門怨

徐賢妃

舊愛柏梁臺新寵昭陽殿守分辭方

集作芳

輦含情泣團

扇一朝歌舞榮夙昔詩書賤積恩誠已矣覆水難重薦

同前

沈佺期

月皎風泠泠長門次掖庭玉階聞墜葉羅幌見飛螢清  
露凝珠綴流塵下翠屏妾心君未察愁歎劇繁星

同前

吳少微

月出映曾城孤園上太清君王春

集作春

愛歇枕席涼風

生怨咽不能寢踟躕步前楹空階白露色百草寒蟲鳴

念昔金房裏猶嫌玉座輕如何嬌所誤長夜泣恩情

同前

張脩之

長門落景盡洞房秋月明玉階草露積金屋網塵生妾  
妬今應改君恩昔未平寄語臨邛客何時作賦成

同前

裴交泰

自閉長門經幾秋羅衣溼盡淚還流一種蛾眉明月夜  
南宮歌管北宮愁

同前

劉阜

宮殿沈沈月欲分  
昭陽更漏不堪聞  
珊瑚枕上千行淚  
不是思君是恨君

同前

袁暉

早知君愛歇  
本自無縈妬  
誰使恩情深  
今來反相誤  
愁眠羅帳曉  
泣坐金閨暮  
獨有夢中魂  
猶言意如故

同前

劉言史

獨坐爐邊結夜愁  
暫時思

集作思

去亦難留

一作收

手持金

箸垂紅淚亂撥寒灰不舉頭



同前二首

李白

天回北斗挂西樓，金屋無人螢火流。  
月光欲到長門殿，別作深宮一段愁。

桂殿長愁不記春，黃金四屋起秋塵。  
夜懸明鏡青天上，獨照長門宮裏人。

同前

李華

弱體鴛鴦薦，啼妝翡翠衾。  
鷓鴣鳴秋殿，曉人靜禁門。  
深每憶椒房寵，那堪永巷陰。  
日驚羅帶緩，非復舊來心。

同前 岑參

君王嫌妾妬閉妾在長門舞袖垂  
新寵愁眉結舊恩綠錢生履跡  
紅粉溼啼痕羞被桃花笑看春  
獨不言

同前 齊澣

熒熒孤思逼寂寂長門夕妾妬亦  
非深君恩那不惜攜琴就玉階  
調悲聲未諧將心託明月流影  
入君懷

同前 劉長卿

何事長門閉珠簾只自垂月移  
深殿早春向後宮遲蕙

草生閒地梨花發  
舊枝芳菲自恩幸  
看却集作著被風吹

同前

僧皎然

春風日日閉長門  
搖蕩春心自集作似夢魂  
若遣花開只

笑妾不如桃李正無言

同前

盧綸

空宮集作空古廊殿  
寒月照斜暉  
臥聽未央曲  
滿箱歌舞

衣

同前

戴叔倫

自憶專房寵曾居第一流移恩向何

集作他

處暫妬不容

收夜久絲管

集作靜管絃

絕月明宮殿秋空將舊時意長望

鳳皇樓

同前

劉駕

御泉長繞鳳皇樓只是恩波別處流閒揲舞衣歸未得  
夜來砧杵六宮秋

同前二首

高蟾

天上何勞萬古春君前誰是百年人魂銷尚媿金爐燼

思起猶慙玉輦塵煙翠薄情攀不得星芒浮豔采無因  
可憐明鏡來相向何似恩光朝夕新

天上鳳皇休寄夢人間鸚鵡舊堪悲平生心緒無人識  
一隻金梭萬丈絲

同前

張祐

日映宮牆柳色寒笙歌遙指碧雲端珠鉛滴盡無心語  
彊把花枝冷笑看

同前二首

鄭谷

閒把羅衣泣鳳皇  
先朝曾教舞霓裳  
春來却羨庭花落  
得逐晴風出禁牆

流水君恩共不回  
杏花爭忍埽成堆  
殘春未必多煙雨  
淚滴閒階長綠苔

同前二首

劉氏媛

雨滴梧桐秋夜長  
愁心和雨到昭陽  
淚痕不學君恩斷  
拭却千行更萬行

學畫蛾眉獨出羣  
當時人道便承恩  
經年不見君王面

花落黃昏空掩門

阿嬌怨 劉禹錫

望見歲蕤舉翠華試開金屋埽庭花須臾宮女傳來信

云 一作 幸平陽公主家

班婕妤 徐彥伯

君恩忽斷絕妾思終未央  
中櫛不可見枕席空餘香  
窗暗網羅白階秋苔蘚黃  
應門寂已閉流涕向昭陽

同前 嚴識元

賤妾如桃李君王若歲時秋風一已勁搖落不勝悲寂  
寂蒼苔滿沈沈綠草滋榮一作繁華非此日指輦競何辭

同前三首

王維

玉窗螢影度金殿人聲絕秋夜守羅幃孤燈耿不滅  
宮殿生秋草君王恩幸疎那堪聞鳳吹門外度金輿  
怪來妝閣閉朝下不相迎總向春園裏花間語笑聲

健仔怨

崔湜

不分君恩斷新妝視鏡中容華尚春日嬌愛已秋風枕



席臨窗曉幃屏向月空  
年年後庭樹榮落在深宮

同前 崔國輔

長信宮中草年年愁處生  
故侵珠履跡不使玉階行

同前 張烜

賤妾裁紈扇初搖明月姿  
君王看舞席坐起秋風時  
玉樹清御路金陳翳垂絲  
昭陽無分理愁寂任前期

同前 劉方平

夕殿別君王宮深月似霜  
人愁集作幽在長信螢出向昭

陽露裛紅蘭死

集作  
溼

秋彫碧樹傷惟當合歡扇從此篋

中藏

同前

王沈

長信梨花暗欲棲應門上籬草萋萋春風吹花亂撲戶

班婕

集作  
班絕

車聲不至啼

同前

皇甫冉

由來詠團扇今與值秋風事逐時皆往恩無日再中早  
鴻聞上苑寒露下深宮顏色年年謝相如賦豈工

同前 陸龜蒙

妾貌非傾國君王忽然寵南山掌上來不及新恩重後  
宮多窈窕日日學新聲一落君王耳南山又須輕

同前 翁綬

讒謗潛來起百憂朝承恩寵暮仇讐火燒白玉非因玷  
霜翦紅蘭不待秋花落昭陽誰共輦月明長信獨登樓  
繁華事逐東流水團扇悲歌萬古愁

同前 劉氏雲

君恩不可見妾豈如秋扇秋扇尚有時妾身永微賤莫  
言朝花不復落嬌容幾奪昭陽殿

長信怨

王諲

飛燕倚身輕爭人巧笑名生君棄妾意增妾怨君情日  
落昭陽殿秋來長信城寥寥金殿裏歌吹夜無聲

同前

王昌齡

金井梧桐秋葉黃珠簾不卷夜來霜金爐

集作  
熏籠

玉枕無

顏色臥聽南宮

一作  
宮中

清漏長

奉帚平明金殿開暫集作且將團扇共集作暫裏回玉顏不  
及寒鴟色猶帶昭陽日影來

同前 李白

月皎昭陽殿霜清長信宮天行乘玉輦飛燕與君同更  
有留情處承恩樂未窮誰憐團扇妾獨坐怨秋風

蛾眉怨 王翰

君不見宜春苑中九華殿飛閣連連直如髮白日全含  
朱鳥窗流雲半入蒼龍闕宮中綵女夜無事學鳳吹簫

弄清越珠簾北卷待涼風繡戶南開向明月忽聞天子

憶蛾眉寶鳳銜花揲兩螭傳聲走馬開金屋夾路鳴環

上玉墀長樂彤庭宴華寢三千美人曳光

集作花

錦燈前

含笑更羅衣帳裏承恩薦瑤枕不意君心半路迴求仙

別作望仙臺倉琅

集作琳

禁闥遙相憶紫翠巖房晝不開

欲向人間種桃實先從海底覓蓬萊蓬萊可求不可上

孤舟縹緲知何往黃金作盤銅作莖晴

集作青

天白露掌

中擎王母嫣然感君意雲車雨旆欲相迎飛廉觀前空

怨慕少君何事須相誤一朝埋沒茂陵田賤妾蛾眉不  
重顧宮車晚出向南山仙衛逶迤去不還朝晡泣對麒  
麟樹樹下蒼苔日漸斑人生百年夜將半對酒長歌莫  
長歎情集作知白日不可思一死一生何足算

玉階怨 李白

玉階生白露夜久侵羅襪却下水精簾玲瓏望秋月

宮怨 長孫佐輔

窗前好樹名玫瑰去年花落今年開無情春色尚識返

君心忽斷何時來憶昔妝成候仙仗宮瑣玲瓏日新上  
拊心却笑西子嘖掩鼻誰憂鄭姬謗草染文章衣下履  
花黏甲乙牀前帳三千玉貌休自誇十二金釵獨相向  
盛衰傾奪欲何如嬌愛飜悲逐佞諛重遠豈能慙沼鵠  
棄前方見泣船魚看籠不記熏龍腦詠扇空曾禿鼠須  
始意一作喜類羅新託柏終傷如薺却甘荼深院集作院深獨  
開還獨閉鸚鵡驚飛苔覆地滿箱舊賜前日夜漬枕新  
垂夜來淚痕多開鏡照還悲綠髻青蛾尚未衰莫道新



縑長絕比猶逢故劍會相追

同前 李益

露溼晴花宮

集作春

殿香月明歌吹在昭陽似將海水添

宮漏共滴長門一夜長

同前 于濆

妾家望江口少年家財厚臨江起珠樓不賣文君酒當年樂貞獨巢燕時為友父兄未許人畏妾事姑舅西牆鄰宋玉窺見妾看宇一旦及天聰恩光生戶牖謂言入

漢宮富貴可長久君王縱有情不奈陳皇后誰憐頰似  
桃熟知腰勝柳今日在長門從來不如醜

同前

柯崇

塵滿金爐不炷香黃昏獨立重廊笙歌何處承恩寵  
一一隨風入上陽

長門槐柳半蕭疎玉輦沈思恨有餘紅淚旋銷傾國態  
黃金誰為達相如

雜怨三首

聶夷中

生在綺羅下豈識漁陽道良人自戍來夜夜夢中到漁  
陽萬里遠近於中門限中門逾有時漁陽常在眼

良人昨日去明日又不還

一作明月  
又不圓

別時各有淚零落

青樓前

君淚濡羅巾妾淚滴路塵羅巾今在手日得隨妾身路  
塵如因飛得上君車輪

同前三首

孟郊

天桃花清晨遊女紅粉新天桃花薄暮遊女紅粉故樹

有百年

一作度

花人無一定顏花送人老盡人悲花自閒

貧女鏡不明寒花日少容暗蛩有虛織短線無長縫浪

水不可照狂夫不可從浪水多散影狂夫多異蹤持此

一生薄空成百

集作萬

恨濃

憶人莫至悲至悲空自衰寄人莫翦衣翦衣未必歸朝

為雙

一作同

蒂花暮為四散飛花落却繞樹遊子不顧期

御定全唐詩卷二十

欽定四庫全書

御定全唐詩卷二十一

相和歌辭

子夜春歌

王翰以後並清商曲其器有鐘磬琴瑟擊琴琵琶篳篥筑箏節鼓笙笛

簫篳塤等十五種為一部唐又增吹葉而無塤長安以後工伎寔缺與吳音轉遠開元中劉貺

以為宜取吳人使之傳習以問歌工李郎子郎子北人學於江都俞才生後郎子亡去清樂之

歌遂闕

春氣滿林香春遊不可忘落花吹欲盡垂柳折還長桑

女淮南曲金鞍塞北裝行行小垂手日暮渭川陽

子夜冬歌

崔國輔

寂寥抱冬心裁羅又裝裝夜久頻挑燈霜寒剪刀冷

同前

薛耀

朔風扣羣木嚴霜凋百草借問月中人安得長不老

子夜四時歌六首

郭元振

春歌二首

青樓含日光綠池起風色贈子同心花殷勤此何極

陌頭楊柳枝已被春風吹妾心正斷絕君懷那得知

秋歌二首

邀歡空佇立望美頻迴顧何時復採菱江中密相遇  
辟惡茱萸囊延年菊花酒與子結綢繆丹心此何有

冬歌二首

北極嚴氣升南至溫風謝調絲競短歌拂枕憐長夜  
帷橫雙翡翠被卷兩鴛鴦婉態不自得宛轉君王牀

子夜四時歌四首

李白

春歌

秦地羅敷女采桑綠水邊  
素手青條上紅妝白日鮮  
蠶飢妾欲去五馬莫留連

夏歌

鏡湖三百里菡萏發荷花  
五月西施采人看隘若邪  
迴舟不待月歸去越王家

秋歌

長安一片月萬戶擣衣聲  
秋風吹不盡總是玉關情  
何



日平胡虜良人罷遠征

冬歌

明朝驛使發一夜絮征袍素手抽針冷那堪把剪刀裁  
縫寄遠道幾日到臨洮

子夜四時歌四首

陸龜蒙

春歌

山連翠羽屏草接煙華席望盡南飛燕佳人斷信

一作消

息

夏歌

蘭眼擡露斜鶯脣映花老金龍傾漏盡玉井敲冰早

秋歌

涼漢清沈寒衰林怨風雨愁聽絡緯唱似與羈魂語

冬歌

南光走冷圭北籟號空木年年任霜霰不減篔簹綠

太子夜歌二首

陸龜蒙  
首本古曲  
辭

次

歌謠數百種子夜最可憐慷慨吐清音明轉出天然

絲竹發歌響假器揚清音不知歌謠妙聲勢出口心

子夜警歌二首

陸龜蒙次  
首本古曲辭

鏤椀傳綠酒雕鑪熏紫煙誰知苦寒調共作白雪弦  
恃愛如欲進含羞出不前朱口發艷歌玉指弄嬌弦

丁督護歌

李白

雲陽上征去兩岸饒商賈吳牛喘月時拖船一何苦水  
濁不可飲壺漿半成土一唱都集作督護歌心摧淚如雨  
萬人鑿盤石無由達江許君看石芒碭掩淚悲千古

團扇郎

張祜

白團扇今來此去捐願得入郎手團圓郎眼前

同前

劉禹錫

團扇復團扇奉君清暑殿秋風入庭樹從此不相見上  
有乘鸞女蒼蒼蟲網遍明年入懷袖別是一作機中練

碧玉歌

李暇

碧玉上宮妓出入千花林珠被瑋瑁沐感郎情意深

懊惱曲

溫庭筠

藕絲作線難勝針  
藥粉染黃那得深  
玉白蘭芳不相顧

倡

一作青

樓一笑輕千金  
莫言自古皆如此  
徒劔荆鐘鉛

繞指三秋庭綠盡  
迎霜惟有荷花守  
紅死西廬一作廬江小

吏朱斑輪柳縷吐  
芽香玉春兩股金  
釵已相許不令獨

作空城

集作成

塵悠悠楚水流如馬  
恨紫愁紅滿平野野

土千年怨不平  
至今燒作鴛鴦瓦

讀曲歌五首

張祜

窗中獨自起簾外  
獨自行愁見蜘蛛  
織尋思直到明

碓上米不舂窗中絲罷絡看渠駕去車定是無四角  
不見心相許徒云脚漫勤摘荷空摘葉是底采蓮人  
窗外山魃立知渠脚不多三更機底下摸著是誰梭  
郎去摘黃瓜郎來收赤棗郎耕種麻地今作西舍道

春江花月夜二首

張子容

林花發岸口氣色動江新此夜江中月流光花上春分  
明石潭裏宜照浣紗人

交甫憐瑤佩仙妃難重期沈沈綠江晚惆悵碧雲姿初

逢花上月言是弄珠時

同前

張若虛

春江潮水連海平，海上明月共潮生。  
滌滌隨波千萬里，何處春江無月明。  
江流宛轉遶芳甸，月照花林皆似霰。  
空裏流霜不覺飛，汀上白沙看不見。  
江天一色無纖塵，皎皎空中孤月輪。  
江畔何人初見月，江月何年初照人。  
人生代代無窮已，江月年年望集作相似。  
不知江月待何人，但見長江送流水。  
白雲一片去悠悠，青楓浦上不

勝愁誰家今夜扁舟子何處相思明月樓可憐樓上月  
裏回應照離人妝鏡臺玉戶簾中卷不去擣衣砧上拂  
還來此時相望不相聞願逐月華流照君鴻雁長飛光  
不度魚龍潛躍水成文昨夜閒潭夢落花可憐春半不  
還家江水流春去欲盡江潭落月復西斜斜月沈沈藏  
海霧碣石瀟湘無限路不知乘月幾人歸落月搖情滿  
江樹

同前  
溫庭筠



玉樹歌闌海雲黑花庭忽作青蕪國秦淮有水水無情  
還向金陵漾春色楊家二世安九重不御華芝嫵六龍  
百幅錦帆風力滿連天展盡金芙蓉珠翠丁星復明滅  
龍頭劈浪哀笳發千里涵空照水魂萬枝破鼻團香雪  
漏轉霞高滄海西頗黎枕上聞天雞蠻弦代鴈曲如語  
一醉昏昏天下迷四方傾動煙塵起猶在濃香夢魂裏  
後主荒宮有曉鶯飛來只隔西江水

玉樹後庭花

張祜

輕車何草草獨唱後庭花玉座誰為主徒悲張麗華

堂堂 溫庭筠

錢塘岸上春如織  
淼淼寒潮帶晴色  
淮南遊客馬連嘶  
碧草迷人歸不得  
風飄客意如吹煙  
纖指殷勤傷雁弦  
一曲堂堂紅燭筵  
金集作長鯨瀉酒如飛泉

三閣詞四首 劉禹錫

貴人三閣上日晏未梳頭  
不應有恨事嬌甚却成集作生

愁

珠箔曲瓊鉤子細見揚州北兵那得度浪語

集作話

判悠

悠

沈香帖閣柱金縷畫門

集作閣

楣回首降幡下已見黍離

離

三人出智井一身登檻車朱門漫臨水不可見鱸魚

神弦曲

李賀

西山日沒東山昏旋風吹馬馬踏雲畫弦素管聲淺繁  
花裙絆縹步秋塵桂葉刷風桂墜字青狸哭血寒狐死

古壁彩虬金帖尾  
雨工騎入秋一作公  
潭水百年老鴉  
成木魅  
笑聲碧火巢中起

神弦別曲

李賀

巫山一作陽

小女隔雲別  
松花春風

一作春風  
松花

山上發綠蓋

獨穿香逕歸  
白馬花竿前  
子子蜀江風  
澹水如羅  
墮蘭誰泛  
相經過  
南山桂樹為君死  
雲衫殘集作淺  
汗紅脂花

祠魚山神女歌

王維

迎神

坎坎擊鼓魚山之下吹洞簫望極浦女巫進紛屢舞陳  
瑤席湛清醕風淒淒又集作夜雨不知神之來兮不來  
使我心兮苦復苦

送神

紛進舞兮堂前目眷眷兮瓊筵來不言兮意不傳作暮  
雨兮愁空山悲急管兮思繁絃神之駕兮儼欲旋倏雲  
收兮雨歇山青青兮水潺湲

祠神歌 王獻

迎神

蒲草頭花柳葉裙  
蒲葵樹下舞蠻雲  
引領望江遙滴酒  
白蘋風起水生文

送神

根根山響答琵琶  
酒濕青莎肉飼鴟  
樹葉無聲神去後  
紙錢灰出木綿花

烏夜啼

楊巨源 以後並西曲歌本出於荆郢  
樊鄧之間故其聲節送和與吳歌亦異

可憐楊葉復楊花  
雪淨煙深碧玉家  
烏棲不定枝條弱

城頭夜半聲啞啞浮萍搖流集作蕩門前水任冒芙蓉莫

墮沙

同前 李白

黃雲城邊烏欲棲歸飛啞啞枝上啼機中織錦秦川女

一作閨中織碧紗如煙隔窗語停梭悵然憶遠人獨宿

孤房淚如雨一作停梭向人問故夫欲說遠西淚如雨

同前二首 顧況

玉房掣鎖聲翻葉銀箭添泉遶霜堞畢逋發刺月銜城

八九雛飛其母驚此是天上老鷓鳴人間老鷓無此聲

搖

集有風字

雜佩耿華燭良夜羽人彈此曲東方曈曈赤日

旭

月出江林西江林寂寂城鷓啼昔人何處為此曲今人何處聽不足城寒月曉馳思深江上青草為誰綠

同前

李羣玉

曾波隔夢渚一望青楓林有鳥在其間達曉自悲吟是時月黑天四野煙雨深如聞生離哭其聲痛人心悄悄



夜正長空山響哀音遠客不可聽坐愁華髮侵既非蜀  
帝魂恐是恒山禽四子各分散母聲猶至今

同前 聶夷中

衆鳥各歸枝烏烏爾不棲還應知妾恨故向綠窗啼

同前 白居易

城上歸時晚庭前宿處危月明無葉樹霜滑有風枝啼  
澀飢喉咽飛低凍翅垂畫堂鸚鵡鳥冷暖不相知

同前 王建

庭樹烏爾何不向別處棲  
夜夜半當戶啼  
家人把燭出洞戶  
驚棲失羣飛  
落樹一飛直欲飛上天  
回回不離舊棲處  
未明重繞主人屋  
欲下空中黑相觸  
風飄雨濕亦不移  
君家樹頭多好枝

同前

張祐

忽忽南飛返危弦  
共怨悽暗霜移樹宿  
殘夜遶枝啼  
咽絕聲重斂  
惜淫思乍迷不妨還報喜  
悞使玉顏低

烏棲曲

李白

姑蘇臺上烏棲時  
吳王宮裏醉西施  
吳歌楚舞歡未畢

青山猶

集作欲

銜半邊日銀箭金壺

一作金壺丁丁

漏水多起看

秋月墜江波  
東方漸高奈樂

一作爾

何

同前 李端

白馬逐牛

集作朱

車黃昏入狹斜  
柳樹烏爭宿爭枝

集作宿

未得飛上屋東房  
少婦壻從軍每聽烏啼知夜分

同前 王建

章華宮人夜上樓  
君王望月西山頭  
夜深宮殿門不鎖

白露滿山山葉墮

同前

張籍

西山作宮潮滿池宮烏曉鳴茱萸枝吳姬自唱采蓮

一作

采蓮自唱曲君王昨夜舟中宿

棲烏曲二首

劉方平

蛾眉曼臉傾城國鳴環動佩新相識銀漢斜臨白玉堂  
芙蓉行障掩燈光

畫舸雙艚錦為纜芙蓉花發蓮葉暗門前月色映橫塘

感郎中夜渡瀟湘

莫愁樂

張祐

儂居石城下郎到石城遊自郎石城出長在石城頭

莫愁曲

李賀

草生隴坂下鷓鴣城堞頭何人此城裏城角栽石榴青  
絲繫五馬黃金絡雙牛白魚駕蓮船夜作十里遊歸來  
無人識暗上沈香樓羅牀倚瑤瑟殘月傾簾鉤今日槿

花落明朝梧

集作

樹秋若負平生意何名作

集作

莫愁

估客樂

李白

海客乘天風，將船遠行役。譬如雲中鳥，一去無蹤跡。

同前 元稹

估客無住著，有利身即

集作則

行出門求火伴，入戶辭父

兄。父兄相教示，求利莫求名。求名有所避，求利無不營。

火伴相勒縛，賣假莫賣誠。交關少

集作但

交假交假，本生

輕

集作本生得失輕

自茲相將去，誓死意不更一

集作亦

解市頭

語便無鄉里情。鑰石打臂釧，糯米炊項瓔。歸來村中賣

敲作金玉聲村中田舍娘貴賤不敢爭所費百錢本已

得十倍贏顏色轉光淨飲食亦甘馨子本頻蕃息貨賂

集作  
販

日兼并求珠駕滄海采玉上荆衡北買党項馬西

擒吐蕃鸚炎洲布火浣蜀地錦織成越婢脂肉滑奚僮

眉眼明通算衣食費不計遠近程經營

集作  
遊

天下徧却

到長安城城中東西市聞客次第迎迎客兼說客多財

為勢傾客心本明點聞語心已驚先問十常侍次求百

公卿侯家與主第點綴無不精歸來始安坐富與王家

集作

勅市卒酒肉臭縣胥家舍成豈惟絕言語奔走極

使令大兒販材木巧識梁棟形小兒販鹽鹵不入州縣  
征一身偃市利突若截海鯨鉤距不敢下下則牙齒橫  
生為估客樂判爾樂一生爾又生兩子錢刀何歲平

賈客樂

張籍

金陵向西賈客多船中生長樂風波欲發移船近江口

船頭祭神各澆酒停杯共說遠行期入蜀經蠻遠

集作誰

別離金多衆中為上客夜夜算緡眠獨遲秋江初月猩



猩語孤帆夜發滿

集作滿

湘渚水工持楫防暗灘直過山

邊及前侶年年逐利西復東姓名不在縣籍中農夫稅

多長辛苦棄業長為販賣

一作寶

翁

賈客詞

劉禹錫

賈客無定遊所遊惟利并眩俗雜良苦乘時知重輕心  
計析秋毫搖鈎倖懸衡錐刀既無棄轉化日已盈邀福  
禱波神施財遊化城妻約雕金釧女垂貫珠纓高貲比  
封君奇貨通倖卿趨時鷲鳥思藏鏹盤龍形大觚浮通

川高樓次旗亭行止皆有樂關梁似一作自無征農夫何  
為者辛苦事寒耕

同前 劉駕

賈客燈下起猶言發已遲高山有疾路暗行終不疑寇  
盜伏其路猛獸來相追金玉四散去空囊委路歧揚州  
有大宅白骨無地歸少婦當此日對鏡弄花枝

襄陽樂 張祜

大堤花月夜長江春水流東風正上信春夜特來一作待郎

遊

襄陽曲二首

崔國輔

蕙草嬌紅萼時光舞碧雞城中美年少相見白銅鞮  
少年襄陽地來往襄陽城城中輕薄子知妾解秦箏

同前

施肩吾

大堤女兒郎莫尋三三五五結同心清晨對鏡冶  
容色意欲取郎千萬金

同前

李端

襄陽堤路長草碧楊柳

集作柳枝

黃誰家女兒臨夜妝紅羅

帳裏有燈光雀釵翠羽動明璫欲出不出脂粉香同居

女伴正衣裳中庭寒月白如霜賈生十八稱才子空得

門前一斷腸

大堤曲

張東之

南國多佳人莫若大堤女玉牀翠羽帳寶祿蓮花炬魂

處自

一作在

目成色授開心許迢迢不可見日暮空愁予

同前

楊巨源

二八嬋娟大堤女開壚相對依江渚待客登樓向水看  
邀郎卷幔臨花語細雨濛濛濕芰荷巴東商侶挂帆多  
自傳芳酒浣紅袖誰調妍妝迴翠蛾珍簟華燈夕陽後  
當壚理瑟矜纖手月落星微五鼓聲春風搖蕩窗前柳  
歲歲逢迎沙岸間北人多識綠雲鬟無端嫁與五陵少  
離別煙波傷玉顏

同前

李白

漢水臨

一作橫

襄陽花開大堤暖佳期大堤下淚向南雲

滿春風復無

集作無復

情吹我夢魂散不見眼中人天長音

信斷

同前 李賀

妾家住橫塘紅紗滿桂香青雲教綰頭上髻明月與作  
耳邊璫蓮風起江畔春大堤上留北人郎食鯉魚尾妾  
食猩猩脣莫指襄陽道綠浦歸帆少今日菖蒲花明朝  
楓樹老

大堤行 孟浩然

大堤行樂處車馬相馳突歲歲春草生踏青二三月王  
孫挾珠彈遊女矜羅襪攜手今莫同江花為誰發

三洲歌

溫庭筠

團圓莫作波中月潔白莫為枝上雪月隨波動碎潏潏  
雪似梅花不堪折李娘十六青絲髮畫帶雙花為君結  
門前有路輕離別一作離惟恐歸來舊香滅

拔蒲歌

張祜

拔蒲倚歌也凡倚

歌悉用鈴鼓無弦有吹

拔蒲來領郎鏡湖邊郎心在何處莫趣新蓮去拔得無

心蒲問郎看好無

楊叛兒

李白

君歌楊叛兒妾勸新豐酒何許最關人烏啼白門柳烏啼  
隱楊花君醉留妾家博山壚中沈香火雙咽

集作  
煙

一

氣凌紫霞

常林歡

溫庭筠

宜城酒熟花覆橋沙晴綠鴨鳴咬咬穠桑繞舍麥如尾  
幽軋鳴機雙燕巢馬聲特特荆門道蠻水揚光色如草



錦薦金爐夢正長東家呢

集作  
伊

喔雞鳴早

江南弄

王勃

江南弄巫山連楚夢行雨行雲幾相送  
瑶軒金谷上春時玉童仙女無見期  
紫露香煙眇難託清風明月遙相思  
遙相思草徒綠為聽雙飛鳳凰曲

同前

李賀

江中綠霧起涼波天上疊巘紅嵯峨  
水風浦雲生老竹渚暝蒲帆如一幅  
鱸魚千頭酒百斛酒中倒臥南山綠

吳歛越吟未終曲江上團團帖寒玉

采蓮曲 崔國輔

玉漱花紅

集作爭

發金塘水碧

集作亂

流相逢畏相失並著

采蓮舟

同前

徐彥伯

妾家越水邊  
搖艇入江煙  
既覓同心侶  
復采同心蓮  
折藕絲能脆  
開花葉正圓  
春歌弄明月  
歸棹落花前

同前 李白

若耶溪邊采蓮女笑隔荷花共人語日照新妝水底明  
風飄香袖集作袂空中舉岸上誰家遊冶郎三三五五映  
垂楊紫騮嘶入落花去見此踟躕空斷腸

同前

賀知章

稽山罷霧鬱嵯峨鏡水無風也自波莫言春度芳菲盡  
別有中流采芰荷

同前三首

王昌齡

吳姬越豔楚王妃爭弄蓮舟水濕衣來時浦口花迎入

采罷江頭月送歸

荷葉羅裙一色裁  
芙蓉向臉兩邊開  
亂入池中看不見  
聞歌始覺有人來

越女作桂舟  
還將桂為檝  
湖上水渺漫  
清江初集作不可

涉摘取芙蓉花  
莫摘芙蓉葉  
將歸問夫壻  
顏色何如妾

同前二首

戎昱

雖聽采蓮曲  
詎識采蓮心  
漾檝愛花遠  
回船愁浪深  
煙生極浦色  
日落半江陰  
同侶憐波靜  
看妝墮玉簪

涪陽女兒花滿頭  
集作同汎木蘭舟  
春風日暮南

秋

湖裏爭唱菱歌不肯休

同前 儲光義

淺渚荷

集作

花繁深塘

集作

菱葉疎獨往方自得  
恥邀

淇上姝  
廣江無術阡  
大澤

一作

絕方隅  
浪中海童語流

下鮫人居  
春雁時隱舟  
新荷

集作

復滿湖  
采采乘日暮

不思賢與愚

同前二首 鮑溶

弄舟竭來南塘水荷葉映身摘蓮子暑衣清一作鮮淨鴛

鴛喜作浪舞花驚不起殷勤護惜纖纖指水菱初熟多

新刺

采蓮竭來水無風蓮潭如鏡集作鑑松如龍夏衫短袖交

斜紅艷歌笑鬪新芙蓉戲魚住集作往聽蓮花東

同前張籍

秋江岸邊蓮子多采蓮女兒凭船歌青房圓實齊戢戢

爭前競折蕩漾集作漾微波試牽綠莖下尋藕斷處絲多刺

傷手白練束腰袖半卷不插玉釵妝梳淺船中未滿度  
前洲借問誰家集作阿誰家住遠歸時共待暮潮上自弄芙蓉  
還蕩槳

同前 白居易

菱葉縈波荷颭風荷花深處小船通逢郎欲語低頭笑  
碧玉搔頭落水中

同前 僧齊己

越江女越江蓮齊齒菡萏雙嬋娟嬉遊向何處采摘且同

船浩唱發容與清波生漪漣時逢島嶼泊幾共鴛鴦眠  
襟袖既盈溢馨香亦相傳薄暮歸去來苧羅生碧煙

采蓮歸

王勃

采蓮歸綠水芙蓉衣秋風起浪鳧雁飛桂棹蘭橈下長  
浦羅裙玉腕搖輕櫓葉嶼花潭極望平江謳越吹相思  
苦相思苦佳期不可駐塞外征夫猶未還江南采蓮今  
已暮今已暮摘集作采蓮花今渠集作渠今那必盡倡家官道  
城南把桑葉何如江上采蓮花蓮花復蓮花花葉何重



集作稠

疊葉翠本羞眉花紅彊如頰佳人不茲期

集作在茲悵

望別離時牽花憐共蒂折藕愛連絲故情何

集作無

處所

新物徒

集作從

華滋不惜南

集作西

津交佩解還羞北海雁

書遲采蓮歌有節采蓮夜未歇正逢浩蕩江上風又值

徘徊江上月

集有徘徊二字

蓮浦夜相逢吳姬越女何丰茸共

問寒江千里外征客關山更

集作路

幾重

采蓮女

閻朝隱

采蓮女采蓮舟春日春江碧水流蓮衣承玉釧蓮刺罨

銀鈎薄暮斂容歌一曲氛氲香氣滿汀洲

湖邊采蓮婦

李白

小姑織白紵未解將人語大嫂采芙蓉溪湖千萬重長  
兄行不在莫使外人逢願學秋胡婦真心比古松

張靜婉采蓮曲

溫庭筠

蘭膏墜髮紅玉春燕釵拖頸拋盤雲城西

一作

楊柳向

嬌晚門前溝水波潏潏麒麟公子朝天客珮

集作珂

馬璫

璫度春陌掌中無力舞衣輕翦斷鮫綃破春碧抱月飄

煙一尺腰麝臍龍髓憐嬌饒秋羅拂衣

集作水

碎光動露

重花多香不銷鵝鷺膠

集作交交

塘水滿綠萍如

一作芒金

粟

蓮莖短一夜西風送雨來粉痕零落愁紅淺船頭折藕

絲暗牽藕根蓮子相留連郎心似月月易

一作未

缺十五

十六清光圓

鳳笙曲

沈佺期

憶昔王子晉鳳笙遊雲空揮手弄白日安能戀青宮豈

無嬋娟子結念羅帳

集作牌

中憐壽不貴色身世兩無窮

鳳吹笙曲

李白

仙人十五愛吹笙，學得崑丘彩鳳鳴。  
始聞鍊氣餐金液，復道朝天赴玉京。  
玉京迢迢幾千里，鳳笙去去無邊

集作

窮已欲歎離聲發，絳脣更嗟別調流。  
纖指此時惜別詎堪聞，此地相看未忍分。  
重吟真曲和清吹，却奏仙歌響綠雲。  
綠雲綠雲紫氣向函關，訪道應尋緱氏山。  
莫學吹笙王

子晉一遇浮丘斷不還

采菱曲

儲光義

濁水菱葉肥，清水菱葉鮮。  
義不游濁水，志士多苦言。  
潮沒具區數，潦深雲夢田。  
朝隨北風去，暮逐南風還。  
浦口多漁家，相與邀我船。  
飯稻以終日，羹蓴將永年。  
方冬水物窮，又欲休山樊。  
畫室相隨從，所貴無憂患。

采菱行

劉禹錫

白馬湖平秋日光，紫菱如錦綵鸞。  
一作翔盪舟遊女滿

中央采菱不顧馬，上郎爭多逐勝紛。  
相向時轉蘭橈破

輕浪長鬟弱袂動。  
集作披參差釵影釧文浮，  
蕩漾笑語哇

咬顧晚暉蓼花綠

集作綠

岸扣舷歸歸來共到市橋步野

蔓繫船萍滿衣家家竹樓臨廣陌下有連檣多估客攜  
觴薦芰夜經過醉踏大堤相應歌屈平祠下沅江水月  
照寒波白煙起一曲南音此地聞長安北望三千里

陽春歌

李白

長安白日照春空綠楊結煙柔

集作垂

裏風披香殿前花

始紅流芳發色繡戶中繡戶中相經過飛燕皇后輕身  
舞紫宮夫人絕世歌聖君三萬六千日歲歲年年奈樂

何

陽春曲

温庭筠

雲母空窗曉煙薄香昏龍氣凝輝閣霏霏霧雨杏花天  
簾外春威著羅幕曲欄伏檻金麒麟沙苑芳郊連翠茵  
廐馬何能齧芳草路人不敢隨流塵

同前

莊南傑

紫錦紅囊香滿風金鸞玉軾搖丁冬沙鷗白羽翦晴碧  
野桃紅艷燒春空芳草綿延鎖平地攏蝶雙舞幽翠

鳳叫龍吟白日長  
落花聲底仙娥醉

同前 僧貫休

為口莫學阮嗣宗  
不言是非非至公  
為手須似朱雲輩  
折檻英風至今在  
男兒結髮事君親  
須數前賢多慷慨  
歷數雍熙房與杜  
魏公姚公宋開府  
盡向天上仙宮閒  
處坐何不却辭上  
帝下下土忍見蒼  
生苦苦苦

朝雲引 郎大家  
宋氏

巴西巫峽指巴東  
朝雲觸石上朝空  
巫山巫峽高何已



行雨行雲一時起一時起三春暮若言來且就陽臺路

上雲樂

李白

金天之西白日所沒康老胡雛生彼月窟巉巖儀容戍  
削風骨碧玉炁炁雙目瞳黃金拳拳兩鬢紅華蓋垂下  
睫嵩嶽臨上脣不覩譎詭貌豈知造化神大道是文康  
之嚴父元氣乃文康之老親撫頂弄盤古推車轉天輪  
云見日月初生時鑄冶火精與水銀陽烏未出谷顧兔  
半藏身女媧戲黃土團作愚下人散在六合間濛濛若

沙塵生死了不盡誰明此胡是仙真西海栽若木東溟  
植扶桑別來幾多時枝葉萬里長中國有七聖半路頽  
鴻荒陛下應運起龍飛入咸陽赤眉立盆子白水興漢  
光叱咤四海動洪濤為簸揚舉足蹋紫微天關自開張  
老胡感至德東來進仙倡五色師子九苞鳳凰是老胡  
雞犬鳴舞飛帝鄉淋漓颯沓進退成行能胡歌獻漢酒  
跪雙膝並集作立兩肘散花指天舉素手拜龍顏獻聖壽  
北斗戾南山摧天子九九八十一歲長傾萬歲一作年杯

同前

李賀

飛香走紅滿天春花龍盤盤上紫雲三千宮女列金屋

五十絃瑟海上聞大江

集作天河

碎碎銀沙路羸女機中斷

煙素斷煙素縫舞衣

集作衣縷

八月一日君前舞

鳳臺曲

王無競

鳳臺何透迤羸女管參差一旦綵雲至身去無還期遺

曲此臺上世人多學吹一吹一落淚至今憐玉姿

同前

李白

嘗聞秦帝女傳得鳳凰聲是日逢仙子當時別有情人  
吹彩簫去天借綠雲迎曲在身不返空餘弄玉名

鳳凰曲

李白

羸女吹玉簫吟弄天上春青鸞不獨去更有攜手人影  
滅彩雲斷遺聲落西秦

君道曲

李白 白自云梁之雅歌有五篇今作  
一章按梁雅歌無君道曲疑應王受圖

曲是也

大君若天覆廣運無不至軒后爪牙常先太山稽如心

之使臂小白鴻翼於夷吾劉葛魚水本無二土扶集作校  
可成牆積德為厚地

御定全唐詩卷二十一